



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

III. Valentinianus non tribuit eam auctoritatem Romanis Pontificibus, sed
fovit. Antè, generalia decreta edebant. Ut Liberius in controversia de
baptismo Arrianorum. Iustitia decreti nihil detrahit ...

urn:nbn:de:hbz:466:1-15591

Vide lib. 5. c. 7. primum illi suffragium delatum, (quod prærogativam suffragij dixerunt veteres, cum de principibus Romanis loquerentur) non autem factum ut solus sibi jura illa vindicet. Potiorem eum fuisse, non solum.

II. Tamen discedere non possum ab eo privilegio quod tributum fuisse Romanæ fidei veteres Imperatores agnoscunt; præcipue cum antiqua regula Basili & Iulij non adverteretur. Hilarius Episcopus Arelatensis metropolitana dignitate cognitione Leonis I. Summi Pontificis in Concilio Romano habita dejectus est anno CCCCXLV. Quam sententiam Valentiniiani Imperatoris rescripto muniri, ut illius executio nulla cavillatione impeditur, Leo facilè impetravit. Sed illius Constitutionis expendenda sunt verba, quæ Novatoribus hujus seculi sanguinem suffundere possunt: *Cum igitur, inquit, sedis apostolice primatum B. Petri meritum, qui est princeps sacerdotalis corone, & Romana dignitas civitatis, sacra etiam synodi firmari auctoritas.* Ex eo scilicet primatu comparat argumentum, quo fulciantur ea quæ deinceps statuit de jure ferendarum legum, his verbis: *Verum ne levis saltus inter Ecclesiæ turba nascatur, vel in aliquo minui religionis disciplina videatur, hoc perenni sanctiōne decernimus ne quid tam Episcopis Gallicanis quam aliarum provinciarum contra consuetudinem veterem liceat sine viri venerabilis Papæ urbis aetere tentare: sed illis omnibusque pro lege sit quidquid sanxit vel sanxerit apostolice sedis auctoritas.* Hæc novella Valentiniiani

III. Constitutio Codici Theodosiano adjuncta est; cujus Codicis usus apud Gallos, Romanæ Legis nomine, in rebus ecclesiasticis invaluit. Id docent & canon primus Concilij Aurelianensis congregati anno D XI. & canon xx. & xi. Synodi Turenensis II. anno D LXVII. & Hincmarus Remensis Archiepiscopus. Imò etiam ex Clotarij Regis edicto, Romanis legibus Codice Theodosiano comprehensum, Romanorum, id est, Gallorum, qui à Francis non trahebant originem, contentiones dirimebantur. Vnde illustrari debet insignis Agathiae locus; qui ait Francos politia Romana ut plurimum uti, & Legibus iisdem. Itaque profiteri possumus Valentiniiani Constitutionem per Gallias vim legis, etiam post deletum Imperium Romanum, consensu & edicto Regum obtinuisse.

III. Nolim tamen quod è Valentiniiano protuli, eo sensu accipi, ac si tum primum legis ferendæ auctoritas sedi apostolica & Principe collata esset, cum tantum eo rescripto fota sit & confirmata. Etenim ante

hujus Constitutionis promulgationem, decreta quædam generalia à Romanis Pontificibus edebantur, quæ missa per provincias, disciplina ecclesiastica ordinem ubique fancirent. Quæ à Liberio profecta sunt, ejus sunt generis, ut dignitate primum locum sibi facile vindicent. Trecentis è toto Occidente, per literas Constantij Principis, evocatis Ariminum Italæ urbem Episcopis, & dolo aut minus eò adactis ut *Consubstantialis* vocem è formula fidei Nicæa edita delerent, Liberius, qui Concilio Ariminensi non interfuerat, Concilij istius profanam sententiam, utpote fidei & Nicæa formulæ adverbam, decretis suis infregit; hoc infuper addito, in quo à plurimis peccabatur, ne baptizati ab Arianiis ad denuo suscipiendum baptismum redigerentur; decretaque sua hac de re edita per provincias emisit, ut restatur Siricius Pontifex his verbis: *Quod non licet,* (id est, Baptismum ab Arianiis collatum iterari) *cum hoc fieri & Apostolus vetet, & Canones contradicant, & post cassatum Ariminense Concilium, missa ad provincias à venerande memoria predecessor meo Liberio generalia decreta prohibeant.* Damnatio à Liberio de Synodi Romanæ sententia in Concilium Ariminense proleta, omnes Occidentis Episcopos, qui se Arianos esse mirabantur, ut loquar cum Hieronymo, eò adegit, ut per provincias frequentibus synodis habitis, quam in Generali Concilio perfidiam amplexi erant, saniori mente damnarent, & Liberij communione, à qua exciderant, hoc pacto restituerentur. Hoc testatur Orientalibus Episcopis ipse Liberius: *Omnès illi ferè Episcopi, qui Ariminii convenerant, quique vel fallacibus inescati illecebris, vel vi compulsi, à fide tum quidem desceiverant, nunc tamen ad sanam mentem reversi, fidei formulæ ab Episcopis Ariminii convocatis editæ anathema denuntiavunt, & fidei catholice & apostolica Nicæa confirmata subscripterunt, & nobiscum jam una communicant.* Quod autem sincera fides & Canonum disciplina his decretis confirmatur, eorum quidem justitiam commendat, nihil autem de auctoritate Pontificis detrahit: quæ in eo viget, quod Decrera illa generalia sint, & per provincias mittantur, ad exemplum edictorum & principalium constitutionum, nec circumscripta sint finibus Romanæ Diœceseos, ut ceterorum Patriarcharum Decreta, quæ suis cuiusque Diœcesibus continentur.

IV. Qui secuti sunt Liberium Pontifices, Constitutis generalibus, fidei & disciplina caverunt, ante Valentiniiani Imperium. Siricius (cuius tempus confertur

Can. 1. Cone. Aurel. De homicidio, adulterio, & fratrib. si ad Ecclesias configerint, id obsecrandum decernimus quod ecclesiastici canentes decreverunt, & lex Romana constituit. c. xx. Syn. Tur. Quia etiam Lex Romana constituit, c. xx. Sacra sententia legum. Edictum Clotarij anno 560. Inter Romanas negotia ceularum Romanis legibus præceptum terminari. Agathias Hist. L. I.

Siricius in Disc. i. c. 1.

Liberius ep. x. ad Orientales.